

मार्निंग डोगरी न्यूज़ बुलेटिन,

समा. 09.20 Hrs



Headlines

1. उपराज्यपाल मनोज सिन्हा होरें नमीं दिल्ली च आयोजित 8में अयोध्या पर्व च हिस्सा लैता- आखेआ कि अयोध्या मजूदा समें दी चेतना ते भविक्ख लेई बत दस्सने आहली ताकत ऐ।
2. जम्मू-कश्मीर विधान सभा दे बजट इजलास दा अज्ज खीरी ध्याड़ा- मुखमंत्रि होर बपार दे अपराधमुक्तिकरण ते बपार गी सैहल सखल्ला बनाने बारे बिल सदन च रखगंन।
3. कैग दी रिपोर्ट मुजब जम्मू-कश्मीर दे आर्थिक विकास दी बरोस दर 11 इशारिया 1-8 प्रतिशत।
4. अफगानिस्तान च आए दे 5 इशारिया 8 तीव्रता दे भूचाल दे झटके जम्मू-कश्मीर च बी मसूस कीते गे।
5. ते जम्मू-कश्मीर च 10 अप्रैल धोड़ी बरखा ते बर्फबारी दे असार- रियासी, राजौरी ते रामबन च अज्ज स्कूलें च छुट्टी।



LG- Ayudhya Parv (Byte)

उपराज्यपाल मनोज सिन्हा होरें कल नमीं दिल्ली च 8में अयोध्या पर्व गी सम्बोधित करदे होई अयोध्या दे आध्यात्मिक ते सभ्यता आहले महत्व गी उजागर कीता। उ'नें अयोध्या गी भगवान राम हुंदे थमां प्रेरित चेतना दा इक कालातीत स्रोत दस्सेआ ते लोकें गी सच्चाई, फर्ज ते करुणा दे मुल्लें गी बनाई रक्खने दा आग्रह कीता। सिन्हा होरें आखेआ जे अयोध्या नैतिक संतुलन, सांस्कृतिक निरंतरता ते राश्ट्रीय पंछान दी नुमायंदगी करदा ऐ- उ'नें आखेआ जे एहदे आदर्श दुनिया भरै च प्रासंगिक बने दे न ते मानवता गी धार्मिकता, लचीलापन ते सौहार्दपूर्ण भविक्ख दी दिशा च मार्गदर्शन करदे न। इस मौके पर बोलदे होई सिन्हा होरें अग्गे आखेआ.....(बाईट)



Final Day Assembly

जम्मू-कश्मीर विधानसभा दे बजट इजलास दा अज्ज खीरी ध्याड़ा ऐ। अज्ज अखीरले ध्याड़े केंई महत्वपूर्ण चर्चा ते विधायी मामलें पुट्टे जाने दी मेद ऐ। विधायकें आसेआ केसर दी फसल गी नुक्सान पुज्जने, नकारा पेदियां सेहत सुविधां, पानी दी कमी ते शैहरी बुनियादी ढांचे कन्नै जुड़ी दिएं चुनौतियें सनें होर कई मुद्दें गी बी पुट्टे जाने दी मेद ऐ। मुखमंत्रि उमर अब्दुल्ला हुंदे आसेआ किश कन्नूनें च तरमीम करने आस्तै इक विधेयक पेश करने दा कार्यक्रम ऐ, जिंदे च किश अपराधें गी गैर-अपराधिक ते युक्तिसंगत बनाने दा मकसद ऐ, तां जे जीवन जीने ते कम्म-कारोबार गी सखल्ला बनाया जाई सकै। तौंआई शिक्षा मंत्री स्कीना इतू होरे निजी युनिवर्सिटियें दे नियमन लेई इक बिल पेश करंगन। सदस्यें दे विशेषाधिकारें ते प्रोटोकाल पर बी चर्चा एजेंडे च ऐ।



JK-Eco Growth

नियंत्रण ते महालेखा परीक्षक (CAG) मुजब- जम्मू-कश्मीर दे सकल राज्य घरेलू उत्पाद (GSDP) दी वृद्धि दर 2024-25 च घटियें 11 इशारिया 18 फीसद होई गई ऐ, जेहड़ी पिच्छले माली बरे च 12 इशारिया 51 फीसद ही, हालांकी पिच्छले चंडू माली बरे दौरान एह 11-12 फीसद दे दायरे च बनी दी रेई। मुखमंत्रि उमर अब्दुल्ला होरें वीरवारें जम्मू-कश्मीर विधानसभा च केन्द्र शासित प्रदेश दे वित्त बारे 2024-25 बरे लेई CAG (कैग) दी रिपोर्ट पेश कीती ही, जेहदे च एह बी दस्सेआ गोआ ऐ जे पिच्छले माली बरे च भारत दे सकल घरेलू उत्पाद च जम्मू-कश्मीर दी हिस्सेदारी थोहड़ी बधियें 0.79 (सिफर इशारिया 79) होई गई ऐ जेहड़ी पिच्छले माली बरे दे मुकाबले इक मामूली बाददा ऐ।



Railway Meeting

कश्मीर सेअउएं दे बपार कारोबार गी रेलवे दी मदद कन्नै राष्ट्रीय सतह दे बजारें तगर पुजाइयें बढ़ावा देने गितै नीतिगत उपाएं पर सोच-विचार करने लेई जम्मू रेलवे डिवीजन च इक उच्ची सतह दी बैठक लग्गी- जेहदे च अधिकारियें- कारोबारियें ते फल उत्पादकें सेअउएं दे इलावा होरनें फलें, जेहड़े तौले खराब होई सकदे न, उन्दे पारसलें दी तौले ढोआई जकीनी बनाने बारे

गल्ल कीती। बैठका च इस गल्लै पर जोर दिता गेआ कि फल तौले बजारै तगर पुज्जन- एहदे लेई JPP-RCS पारसल ट्रेन जेहड़ी बडगाम ते दिल्ली बशकार चलदी ऐ- ओहदा पूरा-पूरा इस्तमाल कीता जा ते माल सप्लाई दे कम्मै च मलव्वज धड़ें गी लौहके कारोबारियें दी मदद करनी लोड़चदी। एहदे इलावा किट्ठा माल चुक्कने पर कराए-भाड़े च रिआयत बी दिती जानी लोड़चदी। रेलवै नै अपने इस धेइये गी फही पक्का कीता जे ओ इलाके दे आर्थिक विकास गी जकीनी बनाने लेई हर चाल्ली दी सुविधां ते रौं-रिआयतां देने लेई त्यार ऐ।

<><><><><><>

DC Rajouri Press Conf. (Byte)

राजौरी दे डिप्टी कमीशनर अभिषेक शर्मा होरें आम लोकें गी इस गल्लै दा जकीन दोआया ऐ कि जिले च पट्रोल- डीजल- रसोई गैस सनें होरनें जरुरी चीजें-बस्तें दी कोई कमी नैई ऐ। कल इस बारे सददी गेदी इक प्रैस कांफ्रेंस गी सम्बोधित करदे होई उनें आखेआ जे जिले च सब्बनें जरुरी चीजें दा सुद्धा भंडार ऐ ते इंदी बंड सप्लाई पर बी नेइमी तक्क रक्खी जा'रदी ऐ तांजे जमाखोरी- कालाबजारी ते मनाफाखोरी पर रोक लाई जाई सकै। डी.सी. होरें लोकें गी आखेआ कि जेकर जरुरी चीजें दी सप्लाई च उनें'गी कोई दिक्कत आँदी ऐ तां ओ तुरत प्रशासन गी इस बारे इतलाह देन। उनें कालाबाजारी करने आहलें गी खबरदार करदे होई आखेआ कि उन्दे खलाफ सख्त कारवाई कीती जाहग।

<><><><><><>

ते हुंन बाकि दिए खबरें कन्नै जगमोहन शर्मा:-

<><><><><><>

Tremors

जंदी रातीं श्रीनगर-पुंछ ते उधमपुर सनें जम्मू-कश्मीर दे केई हिस्सें च भूचाल दे झटके मसूस कीते गेदे न। एह झटके अफगानिस्तान दे हिंदू-कुश इलाके च आए दे 5 इशारिया 8 तीव्रता आहले भूचाल करी, जेदे झटके दिल्ली NCR- देहरादून- लुधियाना ते चंडीगढ़ च बी मसूसे जाने दी जानकारी ऐ। धरत विज्ञान बारे जर्मनी दे अनुसंधान केन्द्र मुजब एह भूचाल जिमी कोला 181 किलोमीटर हेठ आया ते एहदे करी मध्य अफगानिस्तान च 8एं जनें दे मारे जाने दी बी खबर ऐ।



Weather

मौसम विभाग केन्द्र- श्रीनगर नै मौसम सरबन्धी ताजा जानकारी जारी करदे होई चेतावनी दिती ऐ जे 10 अप्रैल तगर समूलचे जम्मू-कश्मीर च मौसम दे हालात खराब बने दे रौहगंन। अज्ज मते सारें इलाकें च रुकी-रुकियै हौली शा दरम्यानै दर्जे दी गरज-चमकिए बरखा ते बर्फबारी-ऐहन- गड़े ते तेज ब्हाए दी पेशनगोई ऐ। उच्ची थाहरें च दरम्यानै शा भारी बरखा ते बर्फबारी होई सकदी ऐ। 7 शा 9 अप्रैल तगर केंई खेतरे च बरखा ते बर्फबारी दा इक होर दौर होने दी पेशनगोई कीती गई ऐ। अधिकारियें बसनीकें गी सलाह दिती ऐ जे ओह एहतियात बरतन ते मौसम सरबन्धी सलाह ते जानकारी हासल करदे रौहन।



Schools Closed

खराब मौसम दे चलदे रियासी- राजौरी ते रामबन जिलें दे सब्बै सरकारी ते निजी स्कूल अज्ज बंद रक्खे गेदे न। इनै जिलें दे सरबन्धत डिप्टी कमीशनरें आसेआ लैते गेदे इस फैसले दा मकसद विद्यार्थियें दी सुरक्षा गी यकीनी बनाना ऐ। अधिकारियें माता-पिता गी अपील कीती ऐ जे ओह लोडचदी एहतियात बरतन ते अधिकारिक घोषणाएं बारे जानकारी रखन। इस एहतियाती उपास दा मकसद बच्चें गी मौसम सरबन्धी कुसै बी खतरे थमां बचाना ऐ। तौंआई खराब मौसम दे चलदे शिवखोड़ी यात्रा अज्ज स्थगित करी दिती गई ऐ।



IEC Van Udhampur (Byte)

उधमपुर दे जिला चुनां अधिकारी मिंगा शेरपा होरें कल डी.सी. दफतर थमां इक IEC वैन गी इंडी दस्सियै रवाना कीता। IEC वैन जेहड़ी पंचैती मतदाता सूचियें दी सलाना नजरसानी बारे लोकें च जागरुकता पैदा करने दे मकसद कन्नै चलाई गेदी ऐ। इस बारे मीडिया आहले कन्नै गल्ल करदे होई जिला चुनां अधिकारी होरें दस्सेया जे एह वैन पूरे जिले दे बक्ख-बक्ख हिस्से च जाइयै जारी मतदाता सूचियें दी नजरसानी दी प्रक्रिया बारे लोकें गी जागरुक करोग। जियां मतदाता सूचियें च नां दर्ज कराने- कटाने- गलतियां ठीक करनियां वगैरा शामिल न। पैहली अप्रैल 2026 गी 18 बरे दे होई गेदे सब्बनै लोकें गी आखेआ ऐ जे ओ अपने बारे जानकारी पर

निगाह मारी लैन, तां जे कुसै बी चाल्ली दी कमी-खामी जां गलती गी सधेरी लैता जा। जिला
चुनां अफसर मिंगा शेरपा होरें आखेआ.....(बाईट)

<><><><><><>